



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Parallelæ Geographiae Veteris Et Novae**

**Briet, Philippe**

**Parisiis, 1649**

Nvm. 3. Bœotia.

**urn:nbn:de:hbz:466:1-13167**

censu. Ostracismus ab Atheniensibus excogitatus, virtutis perniciies, quo exulabat qui maximè retineri in vrbe debuerat: nomen habuit ab Ostreis in quibus nomina optimi cuiusque, atque excellentissimi descriebantur. Areopagitæ hīc iudicabant in foro, vel colle Martis (Areopagum dicebant) homines integerrimi, fucatæ orationis, & artificiosæ hostes. Cūm diu Mari potiti essent, à Lysandro deuicti sunt: atque ab eo tempore plura eis concessa sunt à Principibus propter celebritatem gentis, quā fortitudinem.

NVM. 2. *Megaris, & Megarenses.*

**NOMEN.** Fuit Megaris pars Atticæ, vt ex Plinio liquet, priusque *Nisea* dicta est, & incolæ Nisæi à Niso Pandionis filio, uno ex 4. cui pater Regionem hanc reliquit, à quo Nisa ciuitas condita est, quæ postea Megaris nominata est.

**QUALITAS.** Tota hæc Regio asperior fuit, atque Atticæ planè similis.

**MORES.** Megarenses aliquid de moribus Atheniensium, & Corinthiorum referebant ob Conuenas vtriusque gentis. Olim fure ditissimi, verùm seditiones ad ultimam inopiam eos redigere.

**POLITIA.** Olim Attici iuris fuit: postea Nisum habuere Regem: exinde Democraticus status in eam irrepit, cui successit Oligarchicus, oppressus s̄e ab Atheniensibus: tandem Romanis subditi, communem cum Græcis omnibus seruiere seruitur.

NVM. 3. *Bœotia, Bœoti, & Thebani.*

**NOMEN.** Dicta est olim *Aonia* ab Aone Rege filio Neptuni, vel ut alij malunt à Monte, aut à populis Aonibus. *Bœotia* autem vocata est, vel à Bœoto Neptuni filio qui sic dictus est, quia primùm natus Boum simo oblitus est à matre; vel certè nomen accepit à Boue, qui Cadmo dux extitit. Legitur quoque dicta *Messapia*, *Ogygia*, & Cadmeis à Ducibus variis.

**QUALITAS.** Regio hæc fertilissima fuit, sed aëre & cælo paulò crassiore ysa, vnde incolæ stolidi credebantur, *Bœotum in patriâ, crassōque sub aëre nati*. Multæ hīc cauernæ, atque specus, quare terræ motibus frequenter concutiebatur.

**MORES.** Oderant literas Bœotij: vino deditissimi erant, sacrificiis & superstitionibus addicctissimi. Apud eos nefas erat infantes

exponere, sed Magistratui offerebantur, à quo ut ciues alebantur. Bellicosissimi fuere, quare per Thebanos Græciæ dominati sunt. Dicti sunt *Cancri* à Lycophrone, quia nauigationibus sua corpora indurabant, & *Sifernodiba* quod pelle detritâ, & depili vterentur. Funditores excellentissimos fuisse docet Tzetzes in Lycophronem, vbi eadem de iis asserit quæ de Balearibus scribuntur. Apud eos qui soluendo non erat, & decoxerat, rapiebatur in forum cophino testus, atque deinceps infamis habebatur, quod contigisse ferunt Euripidis patri. Hic de Thebanis, Thespianis, Orchomeniis si aliquid tantum delibarem, supra modum hoc opus excresceret.

N V M. 4. *Phocis, & Phocenses.*

**NOMEN** accepit *Phocis* à Phoco quodam, de quo Grammatici digladiantur, eorum rixas apud Gerbelium perleges, si otiosus eris. Distingues autem hic accuratè *Phocenses*, & *Phocænenses*, hi enim ex Phocæa Ioniæ vrbe profecti Massiliam in Galliâ condidere, illi in Achaïa vixerunt.

**QUALITAS.** Terra hic opima est, sationi, gregibus, & armentis peropportuna, inquit Pausanias. Eius tritici meminit Theophrastus. Angustiis quibusdam regio munita fuit, sed demum Locri hanc sibi partem vindicarunt.

**MORES.** Callidissimi fuere *Phocenses*, & diu piraticam exercuere, vñ primùm (vt aiunt) longis nauibus. Delphici pueri ex matribus nobilitatem trahebant, non ex patribus.

**POLITIA.** Deucalion hic olim regnauit; successit status Oligarchicus Quid autem mali passi sint *Phocenses* ex occasione belli sacri quod gesit Philippus, ex Pausaniâ in Phocicis edisces. Huic bello occasionem dedit direptio templi Delphici auctore Philomelo.

N V M. 5. *Locri.*

**NOMEN** habent Locri à quodam *Locro*, Heroe cuius filius Opus fuit, vt aiunt Homeri Scholiaestes, & Eustathius. Cognomina autem quatuor habuere, quidam enim dicti *Ozole*, alijs *Epicnemidy*, quidam *Opunij*, nonnulli *Epizephyrij*: hi in Italiam translati sunt ad Promontorium Zephyrium. *Ozole* aliter *Hesperij* nun-

Ddd ij